



*Rabu, 24 Agustus 2022*

**Ogen: Roma 9:1-5**



Sada Bangsa ras Aku



**E**nggo rusur si begi istilah 'patriotisme,' ertina jiwa kepahlawanan entah pengorbanan. Sekalak jelma si nggit korban guna kejayaan ras kemakmuran negarana. Pengorbanan e banci saja arah erta benda banci jiwa raga. Sekalak tokoh i bas Pustaka si Badia si lit jiwa patriot i bas ia e me Paulus. Tupung ia ngerana man perpulungan Roma nina, tuhu ceda kal ateku dengen megogo ateku la erngadi-ngadi erkite-kiteken seninaku si sada bangsa ras aku. Lit i je penggejapan sada bangsa, sada penggejapan, seri tempa beratna baban geluh. Erkiteken si e lit sura-surana guna nampati, mpenahanagi perbeben teman. Tole nina Paulus, Adi bancilah labo ku akap dalih aku gia isumpahia Dibata dengen sirang ras Kristus adi alu bage banci kusampati bangsaku. Teridah maka nggit Paulus e erkorban, nggit nanggung kesalahan bangsana adi banci, janah sirang pe ras Dibata labo dalih adi banci kin bage ia nampati bangsana. Bage me ituduhkan Paulus sura-surana guna mbela ras nampati bangsana.

Bali ras Paulus, lit pernah berita i bas TV i Ukraina nari maka dua kalak anak-anak i bas pengungsian erkiteken kutana terancam perang. I bahanna pistol mainan, ibahanna ka uruk-uruk jadi inganna bermain. I bas permainanna e, dua kalak anak enda si njaga gawang, ipakena senjatana ndai ras ipergakenna uga nembak musuh. Tupung isungkuni ia, nina kami sangana latihan perang guna mbela bangsa kami. Gundari sangana lit musuh si ngancam kegeluhan kami, 'kami ingin membela, kami ingin berjuang.' Teridah kitik-kitik nari anak enda lit jiwa patriotismana, jadikal atena bangsana ras negarana janah lit sura-surana muat bagin nampati amin pe ia kitik denga.

*Pebelin jiwa patriotisme i bas pusuh ras ajarken dengen suanken e man sinursur.*



*[The main body of the page is a large, blank white area with a wavy top edge, intended for writing.]*